

**Broj:** 09-11-3-1606-6/20  
**Mostar,** 04.11.2020. godine

Na osnovu člana 64. stav (1) tačka b) najniža cijena, člana 70. stav (1), (3) i (6) Zakona o javnim nabavkama ("Službeni glasnik BiH", broj 39/14), na Preporuku Stalne komisije za javne nabavke broj: 09-11-3-1606-5/20 od 04.11.2020. godine u postupku javne nabavke Vaga klase tačnosti I i II – Oznaka i naziv iz JRJN: 38310000-1–Precizne vage, federalni ministar energije, rudarstva i industrije, donosi

## **O D L U K U**

**o izboru najpovoljnijeg ponuđača za javnu nabavku Vaga klase tačnosti I i II – Oznaka i naziv iz JRJN: 38310000-1–Precizne vage**

### **Član 1.**

Prihvata se preporuka Stalne komisije za javne nabavke (u daljem tekstu: Komisija), broj 09-11-3-1606-5/20 od 22.10.2020. godine i Ugovor za javnu nabavku Vaga klase tačnosti I i II – Oznaka i naziv iz JRJN: 38310000-1–Precizne vage, za potrebe Zavoda za mjeriteljstvo, dodjeljuje se ponuđaču „ROLVAGA“ d.o.o. Kiseljak, sa sjedištem na adresi Draževići 125, 71 250 Kiseljak, ponuda broj: 290-10/20 od 14.10.2020. godine, za ponuđenu cijenu od 19.950,57 KM bez PDV-a, kao najbolje ocijenjena ponuda.

### **Član 2.**

Prijedlog Ugovora dostavit će se na potpis izabranom ponuđaču „ROLVAGA“ d.o.o. Kiseljak, po proteku roka od 10 dana računajući od dana kada su svi ponuđači obaviješteni o izboru najpovoljnije ponude.

### **Član 3.**

Za izvršenje ove odluke zadužuje se Odsjek za finansijsko - računovodstvene poslove.

### **Član 4.**

Ova odluka objavit će se na web-stranici [www.fmeri.gov.ba](http://www.fmeri.gov.ba) istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

### **Član 5.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

## Obrazloženje

Postupak javne nabavke pokrenut je Odlukom o pokretanju postupka javne nabavke Vaga klase tačnosti I i II – Oznaka i naziv iz JRJN: 38310000-1–Precizne vage broj: 09-11-3-1606/20 od 06.10.2020. godine.

Javna nabavka je provedena putem Konkurentskog zahtjeva za dostavu ponuda.

Procijenjena vrijednost javne nabavke je 23.000,00 KM bez uračunatog PDV-a.

Obavještenje o nabavci broj 1380-7-1-22-3-13/20 poslano je na objavu dana 08.10.2020. godine.

Tenderska dokumentacija objavljena je u sistemu „E-nabavke“.

Zahtjev za dostavu ponuda prosljeđen je na adrese tri ponuđača istovremeno sa slanjem obavještenja na Portal javnih nabavki.

Dana 04.11.2020. godine, Komisija je federalnom ministru energije, rudarstva i industrije dostavila Zapisnik o pregledu i ocjeni ponuda i Preporuku o izboru najpovoljnijeg ponuđača za javnu nabavku Vaga klase tačnosti I i II – Oznaka i naziv iz JRJN: 38310000-1–Precizne vage.

Komisija je blagovremeno i pravilno izvršila otvaranje ponuda i izvršila pregled i ocjenu pristiglih ponuda, o čemu je sačinila odgovarajuće zapisnike u kojima je utvrđeno sljedeće:

- da su blagovremeno pristigle ukupno tri (3) ponude;
- da nije bilo neblagovremeno zaprimljenih ponuda;
- da su ponude ponuđača „ROLVAGA“ d.o.o. Kiseljak, „HELIA“ d.o.o. Sarajevo i „ERKONA“ d.o.o. Sarajevo prihvatljive, jer ispunjavaju uslove za kvalifikaciju, propisane tenderskom dokumentacijom.

E-aukcija je zakazana za dan 30.10.2020. godine u 13:00 sati.

Nakon završetka e-aukcije Ugovorni organ je dobio Izvještaj o toku i završetku e-aukcije i najpovoljnijem ponuđaču.

U postupku donošenja odluke posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, te pregled i ocjenu prispjelih ponuda, shodno kriteriju najniža cijena.

U postupku ocjene provedenog postupka federalni ministar energije, rudarstva i industrije nije našao razloge nepravilnosti, niti propuste u radu, koji bi eventualno bili osnov za neprihvatanje Preporuke Komisije.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač „ROLVAGA“ d.o.o. Kiseljak izabran primjenjujući kriterij najniže cijene koja je, nakon okončane e-aukcije, ponuđena u iznosu od 19.950,57 KM bez PDV-a, dok su ostali ponuđači ponudili sljedeće cijene; 2.) „HELIA“ d.o.o. Sarajevo, cijena ponude nakon e – aukcije je 20.000,00 KM bez PDV-a, i 3.) „ERKONA“ d.o.o. Sarajevo cijena ponude nakon e – aukcije je 22.329,74 KM bez PDV-a

Iz navedenih razloga, primjenom člana 64. stav (1) tačka b) najniža cijena Zakona, odlučeno je kao u dispozitivu.

### POUKA O PRAVNOM LIJEKU:

Ponuđač koji je učestvovao u postupku nadmetanja može, radi zaštite svojih prava i pravnih interesa izjaviti žalbu Federalnom ministarstvu energije, rudarstva i industrije u roku od 5 (pet) dana od dana prijema ove odluke.



**DOSTAVITI:**

- „ROLVAGA“ d.o.o. Kiseljak,
- „HELIA“ d.o.o. Sarajevo,
- „ERKONA“ d.o.o. Sarajevo
- Evidenciji
- a/a